

SV San Luis Deportivo ta celebra su 45 aniversario

SAVANETA- Awe 7 februari 2011 SV San Luis Deportivo ta celebra su 45 aniversario y pa e ocasion aki tur miembronan, fanaticonan, ex miembronan y ex sponsornan ta keda cordialmente invita pa asisti na un Santo Sacrificio di Misa na Sagrado Curazon di Hesus pa 6:30 atardi pa agradecimento pa e 45 añanan di existencia.

Tambe e Santo Sacrificio di Misa lo wordo ofreci na honor di tur nos ex miembronan den felis memoria manera Ismael v/d Linde, Nazario v/d Linde, Benny v/d Linde, Eddy v/d Linde, Luisito Jarzagaray, Robertino Maduro, Jeremy Vlaum, Camilo Romero Hereida, Erick Leest, Wilson Janga, Omar de Kort y Notty v/d Linde. Tambe nos ta recorda nos ex miembronan di Directiva den felis memoria esta Miguel Ras, Julio Luidens, Nazario v/d Linde, Lulu Jarzagaray y Roberto Koolman. Nos ta recorda tambe 2 entrenadornan den felis memoria cu ta Roy Stephens y Pupi Diaz. Tambe nos ta a pidi salud, bendicion y hopi sabiduria pa tur esnan cu ainda ta contribuyendo cu nos organizacion. E prome Directiva di SLD na 1968 tabata consisti di Jose Francisco Wever como presidente, Julio Luidens den felis memoria Vice presidente, Mario Angela Secretario, Bennie Koolman 2do secretario, Miguel Ras den felis memoria tesorero, Crismo v/d Linden 2do tesorero y e comisaronan tabata Juan v/d Linde, Juan Koolman y Nazario v/d Linde den felis memoria. San Luis Deportivo a titula campeon di tur categoria na Araba: Aspirant, Junioren, B klas,



A klas y Division di Honor 1984. Den Copa Antiyoano 1984 San Luis Deportivo a gana Real Rincon di Bonaire y Jong Holland di Corsow na Aruba cu golnan di Buda Rozenberg y Ceasar Croes respectivamente, a empata cu Real Rincon na Bonaire y a perde e final cu SUBT di Corsow na Corsow. San Luis Deportivo a titula campeon tambe di Copa Cai Helder den felis memoria y Copa Ange Perez den felis memoria. SLD a participa tambe den futbol di sala bou number di San Luis Liguortique y a keda campeon di B klas. Den futbol comercial San Luis a participa bou number di San Luis Liguortique. Na 1988 San Luis Liguortique a keda campeon di Copa Meel Pena, organiza pa SV Universal. Na 1986/1987 Jose Wever a funda Lifida y San Luis Deportivo a bira prome campeon bou guia di Emiliana de Kort.

John Wever tabata e entrenador, asisti pa Gilbert Yarzagaray. San Luis Deportivo a conoce tambe un tremendo Comision di Mayornan cu a hiba nos muchanan di Lifida Venezuela na 1988. E

presidente tabata Pina Ras y e hefe di delegacion tabata Lidia Odor. E presidente campeon 1984 tabata Eduardo de Kort. Lulu Jarzagaray den felis memoria, Pedro Koolman, Angel Vrolijk, Javier v/d Linde, Alwin Yarzagaray, Henry Vishnudatt, Norman Thijsen y Romeo Thijsen tambe tabata ex presidentenan di SLD y e actual presidente ta Elbert Koolman. Den nos historia nos a conoce hopi hungador cu a sobresali, pero definitivamente tin un hungador peculiar cu semper tur hende ta mencional: Chommy v/d Linde, un hungador clave den e titulo di 1984. Chommy a representa Aruba den diferente seleccion y na diferente pais. Chommy ainda ta miembro activo di San Luis Santos 50+. E entrenador campeon 1984 tabata Buchi Vrolijk. Shon Cai Zimmerman, Sye Terwiel, Noordevliet, Roy Stephens y Pupi Diaz den felis memoria, Chommy v/d Linde, John de Cuba y Carlos Rubio tambe a train San Luis Deportivo. E entrenador actual ta Dave Simon. E conditie-

trainer campeon 1984 tabata Roly Bislick asisti pa su sobrinonan Dennis Bislick y Jerry Schwengle. Ricardo Kock tabata e conditie-trainer na 1985. San Luis Deportivo tabata wordo yama e "Idolonan di Savaneta" pa prensa y e palabra mas usa na 1984 tabata San Luis Deportivo y su "Fighting Spirit". E capitan campeon 1984 tabata Vicente Croes cu a score e gol di victoria tambe. E sponsor campeon 1984 tabata Banco di Caribe, prome sponsor tabata La Posada Criollo di Fanfa Croes den felis memoria. Tambe SLD tabatin como sponsor Diario di Jossy Mansur, Camar NV di Cal y Chelito de Kort, San Luis Liguortique di Angel y Meme Vrolijk, Universal Trophy di Sr. Vrolijk den felis memoria, Magriet di Macham y Rudy de Kort, Exclusivo di Sky Television di Norman Thijsen cu a zorg pa cada miembro haya un par di sapato di bala for di Mini-Baby te cu Divishon Uno. Exclusivo tabata sponsor di 2 Mini-Baby, 2 Baby y Divishon Uno. Bell's Gym, Budweiser, Commandeur's Café, Subway, Vitamalt,

Efe Ice Cream y Maltin Polar tambe a sponsor SLD. Den e historia di 45 anja, SLD tabatin team di domino tambe bou guia di Matias v/d Linde den felis memoria y despues bou guia di Nady Yarzagaray. SLD a conoce team di volleyball tambe. Tur hungadornan di domino tambe ta invita pa bay misa y despues bay veld.

Na e momentonan aki SLD ta conta cu 4 equipo di futbol activo, un equipo den Divishon Uno cu ta na di 2 lugar di campeonato y tres equipo di veterano 35, 40 y 50+. Nos meta ta pa bin cu Lifida y Junioren tambe. Despues di misa tur miembronan activo di Divishon Uno y di Veteranoann, miembronan no activo, fanaticonan, directivanan y ex directivanan, ex entrenadornan, tur hungadornan campeon 1984 y e fanaticonan di e tempo ey ta keda cordialmente invita pa pasa na veld pa un brindis chikito y despues nos madrina Jennelaine Vrolijk lo batisa e uniform nobo cu ta identifica e celebracion di 45 aniversario. Diamars 8 februari 2011 SLD ta enfrenta Dakota den Divishon Uno pa 8'or anochi na CDF na Noord. Nos ta spera di conta riba e apoyo di un y tur. Un danki di curazon na tur e sponsornan cu a yuda nos den pasado y lamentablemente na e momentonan aki SLD no ta dispone di un sponsor. Un palabra di gratitud na tur e miembronan di veterano cu a contribui grandi mes cu tur e fundraisingnan aña pasa. Ohala cu e 45 aniversario por trece suerte pa SLD por haya un bon sponsor. Nos no mester lubida e negoshinan di SavanWeta cu a contribui cu nos semper y tambe un danki na prensa en general.